

مجموعۃ ابوالخیر

ماسوا شائبہ سندن دلی تطہیر و چالش
بر تو حکمت و عرفان الہ شویہ آتش

ہر ماہ عربی ابتدا سیلہ اون بشتہ نشر اول نور فنون مجوعدہ سیدر .

جزو ۳۵ [فی غرہ جمادی الآخرہ سنہ ۱۳۰۰] نسخہ سی ۳ فروش

غزته لفظنك اصلى

لغت کتابلرینه و یا مخترعات و مطبوعات متعلق مباحثی شامل مؤلفانه باقلدیغی حالده اوراق حوادثه (غزته) اطلاق اولنمی و قتیله و ندیکده فشر اولان برورقده حوادثك « غازه تا » دیلان بر باقر سکه مقابلنده صالمسندن نشأت ایلدیکنه دائر ایضاحاته تصادف اولنمی مقرر در.

حال بو که ایتالیا ده (غزته) نامنده سکه بولندیغی تاریخ مسکوکات خبر ویره میور . فقط ایتالین لسانك کنهنه واقف اولان بعض اصحاب معلوماتك افاده سنه کوره (غزته) لفظی (غاززا) لفظندن مشتق ایش . (غاززا) ایسه بر طیر معروف ایش که پیغان کبی تعلیم ایله تکلم ایدر ایش . بناء علیه اوراق حوادث دخی ماهیت حقیقه لری اعتبارله کندی عالمترینک بر نوع پیغانی یعنی باشی اوجنده بولان کیمسه لك خلقه فارشی واسطه مرام و بیانی اولمسندن ایتالیا طرفاسی طرفندن (طیر متکلم) بمعنی پیغان اولان (غازاتا) نامه له توسیم قلمشدر .

هله بومعناك ایتالیا و سائر اوروپا غزته لرینه درجه شمونی بیه مرزسه کده بزم غزته لك ماهیتلرینی ناطق اولمقنی حیثیته بوندن احرى مأخذ اشتقاق متصور دکلدن .

افعال جوامردانه

سول قولی موجیوس

موجیوس نام دیگر له قوردوس نام کیمسه رومالیرك طوسقانه

قرالی پورسنا علیهنده ایتدکاری محاربه ده پک بیوک برنام وشرف
قز انشد .

پورسنا روماده تارکن فامیلیاسنی تکرار تحت حکومت اصاد
ایچون روما شهرینی محاصره ایلدیکی ائنده شدت تضیقدن شهر
درونده قحط وغلا نهایت درجه بی بولسندن اهالی مملکتی فوق الغایه
بردهشت استیلا ایش ایدی .

ایشته بوصره ده موچیوس کندیسنی وطنی اغورنده فدا ایتکه
عزم و بو عزمندن قونسولوسلری دخی خبردار ایدهرک طوسقانه لی
فیافتنده دشمنک اردوگاهنه عزیمتله قرالک چادرینه دخوله فرصتیاب
اولور؛ و چادرده او طوران قرالک سرکابنی بالذات قرال ظنیله
کوکسینه بیچاق صوقه رق تلف ایدر . کندیسنی درحال توقیف ایله
استنطاق ایدرل .

مرقوم قرالک حضورینه چیقیدیغنده فرط جرأت ومباهات
ایله درکه :

— بن موچیوس اسمنده بر رومالی یم . بنم دشمنی تلف ایتک
ایستیان بردشمن اولدیغی دوشن ! سنی فصل ممنونیت ایله تلف ایتک
ایسته دمسه کندمده اوصورتله تلف اولغنه حاضرم .

قرال مرقومک بوسوزندن غضبه کله رک موچیوسک احراق
بالار ایدلسنی امر ایلر . تکرار قراله خطاباً دیرکه :

— برانساک کوزی اوکنده شرف و شان کوردیکی زمان
آلام واضطرابات جسمانیه دن نه قدر پرواسز اولدیغی اوکرن !
بونک اوزرینه اوراده یانمده بولنان یغینک ایچروسنه صاغ
قولنی صوقه رق چایر چایر دیرسکنه قدر یانغه باشلادیغی حالده
چهره سنده اصلا علام وجع واضطراب اظهار ایتز .

بو خارق العاده متانت قلبیه بی مشاهده ایدن قرال قهرمالک

حرکت جوانمردانه سنه حیران اوله رق قولنی آتشیدن چکمه لرینی امر
ایتدکدن صگره موچیوسنی آزاد ایدر .

فقط موچیوس علوجنابه علوجناب ایله مقابله بی شعار ایتدش
مکارم اخلاق اصحابندن اولمسنندن قراله دیر که :

— بنم ابراز ایتدیکم فضائی تقدیر ایتک خاصه برکزیده سنه
مالک اولدیغک ایچون بنده سکا برشی سویلیه جکم که دنیاده نه قدر
عذاب وجفا وار ایسه طوبی برآنده اجرا ایتش اولسه کینه سویله .
مکلم قابل دکل ایدی . معلومک اولسون که بزل و ظمنزه فضولی
تعرض ایدن دشمنهزی یا تلف ایتک و یا خود کندیمز بواغورده فدای
جان ایتک ایچون معبدده قسم ایتش اوچ یوز روما ارباب شبانی یز .

موچیوسک بو کشف رازندن بورستا دوچار خوف وهراس
اولغله روما لیلرله عقد مصالحه مسارعت کوسترمش و موچیوسک
اسمی آندن صگره « سکوولا » یعنی صول قوللی قالمشدر .

فابریسیئوس

رومالیلرک ایبر یعنی آرنودلق قرالی پیروسه فارشی مباشرت
ایتدکری محاربه ائناسنده بر شخص مجهول یدیه قرال پیرو سک طبیی
طرفندن روما قونسولوسی فابریسیئوسه بر مکتوب ورود ایدر .
طیب بومکتوبنده کندیسنه ایفا ایده جکی خدمت عظمایله
متناسب بر مکافاة وعد اولنورسه قرالی زهرلیه جکی و بوصورتله
رومالیلرک بر چوق فداکار لقلرله استحصانه چالشدقلری بر نتیجه بی
برطامله قان دو کلکسزین حصوله کتیرمش اوله جغنی اشعار ایدیور ایدی .
فابریسیئوس ولو محاربه فارشی اولسون مسلک عدل و حقانیتدن
اصلا انحراف ایتمز و افعال نا کسانه ایله حاصل اوله جق مظفریتی